



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დავითაშვილი შალვა გრიგოლის ძე

დავითაშვილი შალვა გრიგოლის ძე (1. I. 1934, თელავი, - 1. XI. 2011, თბილისი), კომპოზიტორი. საქართველო. ხელოვნ. დამს. მოღვაწე (1983), საქართველო. კომპოზიტორთა კავშირის გამგეობის წევრი (1979- იდან). 1962 დაამთავრა თბილისის სახელმწ. კონსერვატორიის საკომპოზიტორო ფაკ-ტი (ხელმძღვანელი პროფ. ა. მაჭავარიანი). 1961-იდან ეწეოდა პედ. მოღვაწეობას. 1966-68 იყო ახალქალაქის სამუსიკო სკოლის დირექტორი, 1969-იდან - თბილისის II სამუსიკო სასწავლებლის პედაგოგი (თეორიული დისციპლინები, კომპოზიცია); 1993-2011 - თბილისის ზ. ფალიაშვილის სახ. მუზეუმის დირექტორი.

დ-ის ნაწარმოებებია: 2 ბალეტი - „ვეფხი და მოყმე“ (1978, დაიდგა ქუთ. ოპერისა და ბალეტის თეატრში), „ზვიადაური“ (1985, დაიდგა იქვე), 2 სიმფონია - „უშბა“ (1963, 1991), 3 სიმფონიური პოემა - „ვეფხი და მოყმე“ (1960), „9 აპრილი“ (1992), „დავით აღმაშენებელი“ (1994), კლარნეტისა (4) და ფლეიტის კონცერტები (1981-2001), 3 კანტატა, ვოკალურ-სიმფ. ციკლები ი. ჭავჭავაძისა და ვაჟა-ფშაველას ლექსებზე (1992-95), რომანსები ქართვ. პოეტების ლექსებზე (2002- 08), გუნდები, სიმღერები, მუსიკა სპექტაკლების, დოკუმენტური და თოჯინური ფილმებისათვის და სხვა.

დაჯილდოებულია ვაჟა-ფშაველას სახელობის პრემიით (2001). თბილისის საპატიო მოქალაქე (2010).

გ. ტორაძე
